

Rumornan ta core cu pa evita medidanan di Hulanda

Gobierno di MEP lo busca placa cerca Chavez

ORANJESTAD (AAN) — Rumornan fuerte ta coriendo for di basta tempo caba cu algun politico den partido MEP y tambe algun ministro lo tin un plan B pa bypass medidanan cu Hulanda ta tumando contra mal maneho y mal gobernacion na Aruba.

Ministro Rudy Croes a worde kita casi sunu di su ministerionan cu e tin pasobra despues di tanto debate y escandalo tras di otro den e aparato hudicial na Aruba, no a keda gobierno hulandes nada otro cu manda yama Nel y Rudy y pone un KB cu awendia yama 'protocol' riba nan cabes.

E medidanan ta conta pa Rudy Croes y Nel Oduber como prome ministro kende a demostra di no tin control riba su mesun gobierno.

Na momento cu Nel Oduber a haya su mes obliga pa acepta medidanan cu gobierno hulandes a tuma contra Rudy Croes y tambe contra ministro Nilo Swaen riba tereno di finanzas, esaki tabata nada otro cu un brevet van onvermogen, cual den papiamento crioyo kiemen cu Hulanda no tin confianza den e gobierno di MEP.

Recientemente gobierno di MEP a bolbe purba pa Hulanda bay di acuerdo cu nan pa atrobe bay fia miyones riba mercado internacional y mirando e situacion desastroso cu Nel su gobierno a hinca pais Aruba aden, gobierno di Reino a bisa bon cla cu no ta

permiti Nel su gobierno haci mas debe.

Remarcable tabata cu durante ultimo dianan diripiente e ministro sunu, esta Rudy Croes Croes a core bay den publicidad a la macho papiando atrobe un lenguahe revolucionario, hungamento cu sentimentonan bieu y retorica barata di guerra contra Hulanda.

Dia cu Rudy Croes mes mester a bay te Hulanda pa sinta hunto cu Nel na mesa pa permiti gobierno hulandes kita cuerpo policial di dje y diferente otro autoridad mas, e no a ni hik.

Na Hulanda el a keda boca keto y no a papiá nada di guerra contra Hulanda y nada di re colonializacion etc, manera cu ultimo dianan e ta haciendo.

Loke a laga hopi observador politico keda sorprendi ta e declaracion haci door di Rudy Croes, cu si Hulanda no ta permiti gobierno di

Aruba haci prestamonan riba mercado internacional, gobierno di MEP lo busca otro caminda pa cana pa haya placa y no mester di Hulanda!

Ey ta caminda cu esnan cu a sigui desaroyonan politico di ultimo 5 aña di cerca y a tende di rumornan cu tabata coriendo cu algun ministro y politiconan den MEP lo ta afliando nan mes mas y mas cu e gobierno di Hugo Chavez, realiza cu kizas esey ta e modus operandi cu Rudy Croes hunto cu algun otro colega y militancia den MEP tin prepara pa busca confrontacion cu Hulanda y Merca y esey lo ta nan Plan B.

No ta pornada cu Nel algun tempo pasa den su rabia di locura a core menaza Hulanda y Merca cu nan mester tene bo cuenta cu Aruba ta cerca di Venezuela y asina insinua cu e gobierno di MEP cu Nel na cabes no lo duda pa busca afiliacion

directo cu Chavez.

Awor cu Rudy ta cuminsa cucuya militancia di MEP (no pueblo pasobra pueblo no ta kere ni den dje y menos den e otronan di MEP) y bisa cu lo busca otro caminda pa haya placa, no ta keda observadornan politico nada otro cu saca e conclusion cu ta cerca Chavez e gobierno di MEP ta bay busca placa.

Chavez a bin ta parti miyones na varios pais na mundo y den region unda cu el a te hasta paga debenan externo di diferente pais.

Gobierno di Chavez ta haci como si fuera nan ta paga

debenan externo di otro paisnan den region pero esaki ta bay a cambio di influencia Chavista den e paisnan cu a haya placa.

Esaki ta conclusion cu hopi hende ta sacando y ta muestra cu gobierno di MEP y su ministronan pro Chaves y pro Castro ta bayendo den direccion di conflicto cu Hulanda y Merca, keriendo cu otro paisnan den region lo respalda nan den nan locura.


Prome cu Hulanda caba di tuma medidanan necesario e plan B lo tin cu worde ehecuta?!

Tres siman sin recoge sushi

ORANJETAD(AAN)—Pa varios dia caba habitantenan di Tanki leendert den vecindario di supermercado Wan Boi ta reclamando cu Serlimar no ta pasa recoge sushi. Nan tin 3 siman caba sperando pa truck di sushi

pasa y e vecindarionan y casnan ta yenando cu bestia y bitchi, y djacanan ta di fiesta, mientras cu cachonan ta benta tur bari abao, ya cu esakinan ta completamente yen y cu holor masha desagradable.

MI NO A HORTA CABRITO, TA SOPI SO MI A BEBE!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



ABS King Pro
Antes Afl. 300,=
Awor Afl. 199,=